



Concello de Pontecesures

Expediente núm.: 1612/2024

Bases reguladoras e convocatoria

Asunto: Certame Literario Oria Moreno

BASES REGULADORAS E CONVOCATORIA DO CERTAME LITERARIO DE RELATO CURTO ORIA MORENO

As presentes bases e convocatoria teñen por obxecto establecer os criterios e o procedemento para a concesión dos premios do Certame Literario Oria Moreno co gallo da conmemoración do Día da Muller así como do centenario do Concello de Pontecesures como ente municipal autónomo.

O Concello de Pontecesures, no marco da conmemoración do 8 de Marzo, organiza un certame de relato curto dirixido ao alumnado de primaria, secundaria e adultos.

1. Obxectivos:

- Promover a igualdade.
- Fomentar a creatividade e a expresión literaria.
- Ofrecer un espazo de participación e recoñecemento para os escritores e escritoras.
- Promover a lectura e a escrita como ferramentas de desenvolvemento persoal e cultural.
- Estimular o uso do galego.
- Reivindicar as mulleres cesureñas (reais ou ficticias).
- Socializar a figura de Oria Moreno, unha muller cesureña adiantada ao seu tempo.
- Fomentar a escrita como afección.

2. Participantes:

- Estudantes de primaria (5º e 6º), secundaria (ESO) e adultos (a partir de 16 anos).
- Participarase individualmente e a través dun lema.
- Cada autor/a só poderá presentar un relato.

3. Temática:

- Que promova a igualdade e/ou cuestione o modelo social sexista.
- Teña vinculación con Pontecesures.





Concello de Pontecesures

4. Características:

- Os relatos deberán ser orixinais, inéditos e non premiados noutros certames.
- Os relatos deberán estar escritos en lingua galega.
- A extensión dos relatos non deberá superar as 1000 palabras.
- O relato terá un título que non contará na extensión do mesmo.
- A letra usada será a Times New Roman e a entreliña 1,5 cm.

5. Prazos:

O prazo de admisión de obras será dende a publicación da convocatoria no Boletín Oficial da Provincia e finalizará o 7 de febreiro de 2025 ás 14:00 horas.

6. Presentación:

- A entrega dos relatos terá que facerse obrigatoriamente de maneira presencial no Rexistro Xeral do Concello de Pontecesures, en horario de Rexistro de Entrada (9:00 a 14:00 horas) co gallo de garantir o anonimato no procedemento.
- Entregarase un sobre pechado que conterá:
 - o Tres copias do relato firmadas co lema e indicando a categoría a que se presenta.
 - o Un sobre pequeno pechado co lema da obra escrito por fóra. No interior irá unha folla co nome, apelidos, copia do DNI, data de nacemento, enderezo, teléfono e correo electrónico (propios ou dun/ha titor/a)
- As plicas só se abrirán unha vez escolleitos os relatos gañadores polo xurado do certame.

7. Xurado e valoración:

- O xurado estará composto por profesionais do ámbito literario e educativo.
- A valoración dos relatos terá en conta a creatividade, orixinalidade, calidade literaria e adecuación temática.
- A composición do xurado darase a coñecer no momento do ditame do certame.
- O xurado non poderá participar no certame.





Concello de Pontecesures

8. Premios:

- Entregarase un premio para os mellores relatos de cada categoría, consistente en:
 - Educación Primaria150,00 €
 - Educación Secundaria..... 150,00 €
 - Adultos.....300,00 €
- Os relatos gañadores poderán ser difundidos.
- Os premios poderán quedar desertos se non se alcanza unha calidade mínima. As decisións adoptadas polo xurado serán inapelables en tódolos casos.

9. Dereitos de autor:

- De ser o caso, os participantes cederán os dereitos de publicación para a divulgación dos relatos seleccionados no marco do certame.

10. Disposicións adicionais:

- A organización reserva o dereito de resolver calquera situación non contemplada nas bases.
- A participación no certame implica a aceptación total das bases e a súa interpretación é responsabilidade da organización do certame.
- Os datos persoais incluídos neste certame só serán coñecidos pola organización do concurso, quen garante o anonimato dos autores e autoras dos relatos durante todo o proceso de selección e deliberación do xurado. O seu tratamento ten como finalidade a xestión e control dos premios concedidos polo xurado. Os seus datos persoais non serán comunicados ou cedidos a terceiros. O interesado ou interesada poderá revogar o seu consentimento así como exercer os dereitos de acceso, rectificación, cancelación e oposición.

A Alcaldesa-Presidenta do Concello de Pontecesures

María Teresa Tocino Barreiro

DOCUMENTO ASINADO DIXITALMENTE Á MARXE

